

何陽歸來

DS
793
H52L685
1838
v.1

保嬰神效丸

序

國有史郡邑有志紀載雖殊所
係之重一也周禮大司徒掌天
下輿囿司馬掌職方小史外史
掌邦國四方之志唐李吉甫作
元和郡縣志及國計簿謂爲政

者執此可治天下夫宰相治天下以是爲重守令治一郡一邑何獨不然今夫事之垂世傳遠者有初必有繼有創必有修未可忽而不爲或憚而爲之不力也志乘特其一端耳雖然難言

之矣制屢更而屢變跡愈久而
愈湮散棄荒忽在所不少難一
或隨事雜錄漫無別裁其失蕪
或騁才華矜淹博標目風景侈
陳金石其失濫蕪與濫並乖謹
嚴之旨難二昔人謂士大夫平

日不肯作上志書事及修志書
則人人爭要上秉筆者不能不
寄權於採訪偶未精察便非實
錄難三兼此三難而求克有攸
當非具學術而識政體者不能
伊邑志書創始於胡公續修於

孫謝崔三公乾隆三十一年吳
門李西谷先生宰是邑取舊志
之繁者刪之誤者正之略者補
之不支不蔓無黨無偏其諸不
辭難而欲得當者歟至於今七
十餘載矣凡戶口之生息風俗

之移易物產之盈縮人材之輩
出吏治之臧否城垣廨宇之修
築與夫祥異水旱之在天孝弟
節烈之在人靡不日增歲異及
今不輯則大者疑信叅半小者
湮滅無聞後之人即欲遠稽遐

考其奚從而徵之爰不揣固陋
聘名士集邑紳分司纂校予於
簿領之暇共佐鉛槧搜採維勤
考訂維慎甄覈維公自夏徂冬
乃訖厥事其體例較李志略有
變通非立異也亦韓詩外傳所

序

謂不貴苟難之意爾書成識其
梗概於簡端

道光十有八年歲次戊戌仲冬
月伊陽縣知縣張道超書

伊陽縣志原序

僕東海下走筮仕之始承乏伊陽仰見功令之嚴而諸憲
臺釐剔之至惠養斯民之切蓋罔不夙夜兢惕凜凜乎覆
餗是懼乃貿貿然忝見夫城小而完民稀而樸士貌古而
神靜以爲殫厥心焉庶幾稱職之易及受事焉而深歎其
難也曷難乎爾憲檄諄復者招徠乃有招徠之名而無招
徠之實以招者旣來復去之衆非能於戶口之外新集流
亡也憲檄諄復者開墾乃有開墾之名而無開墾之實以
墾者旣熟復荒之地非能於榛莽之墟廣闢田疇也外此

而庭可羅雀者民貧無事之可爭非形清政簡使之無訟也巷無吠犬者糧少無逋之可追非寓撫於催使之殷足也自是四達之流渠不濬五都之貿遷不興菁莪之人文不蔚卽曰惴惴夙夜何裨於茲土而不懼覆餗乎所幸者諸憲臺洞悉民隱俯察時艱取伊之民而喫咻之取伊之吏而寬勸之以是得以黽勉從事而徐徐焉喘息也茲奉憲檄纂修伊志伊邑之舊志無存矣伊邑之新聲未著矣延訪名碩得之常劉兩先生見聞之所及者彙爲一書呈附省郡之末因思僕以樵悴拊循之時得與於文獻洋洋

之盛又不可不爲厚幸也而其所以克圖報效者將安在
乎古訓曰太平之吏悃悃無華日計不足月計有餘是僕
所當厯懷也夫而爾士民之所以上答

高厚者又將安在古訓曰瘠土之民勞勞則思義思義則善心
生是爾士民所當厯懷也夫夫富盛亦何常之有十年生
聚十年教訓民亦可衆邑亦可大也僕烏敢以甘自菲薄
者菲薄爾士民而爾士民又烏可以甘自菲薄者菲薄夫
僕乎哉是爲序順治己亥冬月上浣之吉東海孫光爨拜
手題

伊陽縣治設于明成化十有一年距今數百餘歲其先掌
故無存遺事莫考迄順治己亥中丞賈公始有纂修之舉
又康熙庚午中丞閻公復檄令續修前令魏君之京董其
事書成甫上旋蒙駁易會魏君以丁憂去余待罪承乏遂
不獲辭弇陋與邑紳士殫力蒐討刪蕪補闕凡三閱月而
其役始竣方繕寫呈覽適中丞有撫黔之行遂以中止茲
蒙令大中丞顧公檄下取閱益懼荒陋無當宗工復與諸
紳士重加校讐錄帙旣成因系一言於其端曰夫志之爲
書卽古國史之遺也古者一國有一國之史太史采風以

觀土俗之美惡以考政治之得失後世因之而由省以至
郡邑莫不有志舉凡封域之廣狹營建之興廢賦役之輕
重以及學校之崇替人才之盛衰人物風華之可以表今
而傳後者胥於是乎見焉此作志之大畧也雖然抑有難
焉夫庸陋鄙僂言而無文則表章之難也侈張靡麗無當
撫實則徵信之難也言或文矣事或實矣而法戒未昭勸
懲罔裨因革損益未能斟酌而盡善則作法之難也三者
有一未備其書不足存矣予顧何人敢叨斯任然以吾自
揣蹈虛而文則不能撫實而陋則猶可勉也今伊雖僻處

豫壤兵燹殘區而考其山川人物徵其物產土宜他邑之
所有者伊未嘗或乏焉宰是邑者審其利弊相其緩急著
之爲令以宜民而善俗則固可裒然而成一書也於是先
之以封域終之以藝文廣舊志爲三卷義略加詳若夫綜
貫條綱興起教化成厥大觀則予謝不敏矣康熙三十三
年孟秋之吉知伊陽縣事西陵謝夢弼坦菴氏題

郡邑之有志固一代之文獻所由關而損益之所由出也
雖所載者不過提封四境之內而治道之源流世運之變
遷所以信今傳後上之可登職方下之可藏石室而立千

百年之龜鑑者莫不取資於是伊邑舊志創修于順治己亥間閱三十餘歲至康熙甲戌邑令謝君始重修之迄今五十餘年未獲續訂辛酉春余蒞任茲土披覽之下每不能無缺畧不備之憾焉竊思此數十年來

皇恩之涵育撫摩而盤結於人心者已遞深三世矣太平之翔洽仁義之漸漬固已淪肌浹髓而大澤疊沛亦多經前古所未有以祀典言之或隆奉五代或崇封三世或重民事而立先農壇或禦民災而建將軍祠他如忠孝節義之祀所以勵民風而崇教化者莫不爲千載之曠典宜悉志之

以垂不朽而邑乘有關焉推之養廉以嚴官守選舉以廣仕途蠲免之詔屢下養老之制頻頒合丁糧以紓貧民設養濟以惠孤窮美意良法指不勝屈一時各上憲加意綏懷德教所及莫不風移俗易而志均未之及其將何以昭法守哉而且戶口之殷繁田賦之漸加人文之蔚起義士節婦之懿德善行又復纍纍可紀而名實不符尙且任其湮沒焉亦何賴此志爲卽以舊志所載如通惠等渠水利攸關今所存者不過十之一二則其中之變更不同者又烏可勝道耶而其他所遺佚者抑又可知矣家君以癸卯

進士任江西贛縣令曾纂修邑誌淇赴伊之始卽首以振
興文教爲訓今乃聽其殘缺心殊有所未慊歲壬戌州憲
宋公德著謳歌望隆保障於整飭吏治之餘復欲重修郡
邑志以昭人物之盛檄所屬縣各修邑志余仰承續增之
令遂欣然不辭爰敦延邑紳拔貢生申爾宣等倡議重訂
幸諸紳士莫不踴躍樂從擇吉清和之旣望設館隍廟之
後楹廣搜博採協力續修凡前志所載悉準舊例間有差
訛漸加訂正其於今昔有無廢興之間或諒爲參酌或晰
著欸下條分縷析以備考閱惟

恩綸所播詳加開列以誌因革而彰典制雖節義藝文等亦必
事核其眞言採其實往復勘磨尋攷的據務期有裨治道
以補前志所不逮雖未瞭若指掌克當文獻之陳亦聊以
供損益之助云爾至於修明潤澤著爲

國憲用以黼黻

皇猷而永垂千秋之龜鑑則惟俟後之君子焉乾隆七年歲次

壬戌季春吉旦

賜進士出身文林郎知伊陽縣事古韓崔淇子瞻氏題

將欲采風俗之美惡考政治之賢否辨疆理阜民物慎財

賦興賢能彰往察來顯微闡幽則莫善乎志志也者所以
正宣其意具事狀之以爲勸懲之資而志之於國也
朝廷之教化而下達閭閻之情隱者也略而弗該與雜而無紀
二者蓋交譏焉余於壬午歲捧檄來伊陽伊固中州最下
邑四面環山汝繞其南伊出其北其地磽而薄其俗簡而
靜其人民樸而愚披覽前崔令邑志獲悉梗概然竊疑其
條目混淆紀載蕪陋詳近而遺遠多質而少文因盡索舊
志觀之而後嘆崔志之失失之於因仍太過而搜羅考覈
之爲功鮮也卽如伊陽爲嵩邑舊壤而沿革之分合不詳

原叙

縣邑爲前明所設而建置之源流弗考山川之四至錯置而井里莫表選舉之諸科紛設而流品未清賦稅則不分款項學校則雜列繪圖人物事蹟又復不務稽考而專事表揚以云傳信未之敢必凡此皆前志之失崔令特踵其舊而少益之而未之有改耳余有志釐訂爲躊躇者久之甲申冬奉道憲歐陽公檄令各屬增修志乘余乃受令不敢忽因卽於乙酉春仲設局書院延請邑紳士之博聞敦行者共襄其事先之以採訪繼之以考訂益之以參覈終之以刪潤而余於公餘之暇特加排纂修輯而成帙焉閱

半載而告竣凡爲卷有四爲類十有六命鈔胥錄呈各上
憲鑒定顏之爲重修伊陽縣志云余自慚以荒陋迂拙之
才忝宰茲邑邑雖彈丸幸際

國家久道化成之世

聖天子子惠元元無微不被各上憲又復加意撫綏則凡茲邑
之山川草木何一不霑

盛治之光華茲邑之士庶人民何一不沐

聖朝之煦育禮陶樂淑淪肌浹膚固有月異而歲不同者安在
偏隅之志乘不足以導揚潤色而信今傳後乎哉余雖不

文亦惟凜恪恭厥位之心成敬愼勿替之業蒐討必勤表章務實固非欲掩前之美實不敢襲前之迹已耳若夫

恩綸所播鉅典所昭謹備錄之遵爲法守不敢以一邑而從略者猶夫前志也付梓之日爰記其重修之緣起如此至其間踈略蕪淺之失則俟見正於後之君子乾隆三十一年歲次丙戌季秋日

賜同進士出身知伊陽縣事李章埳書

凡例

一舊志首載星野備繪柳宿星宿張宿三圖而未嘗指其屬某宿第幾度第幾分按柳八星十四度星七星七度張六星十七度統三十八度周分三河劉歆三統書以爲自柳三度至張十二度陳卓景初書以爲自柳九度至張十六度皇甫謐世紀以爲自柳九度至張十七度夫周之三河卽秦之三川郡漢之河南郡地方千餘里分野不過二十餘度則彈丸一邑宜其不能指實也昔人謂韓邦慶朝邑志康對山武功志爲志乘之極則考

二志皆不載星野今仿之

一舊志分疆域一門附以形勢城池街巷村鎮里甲市集山川一門附以溝渠橋梁風俗一門附以土產終覺散而無紀且土產附於風俗更覺未協今立地理一門統之

一舊志裁去建置門於是公署倉庾各類無所麗故不得不多立門目至以郵政之普濟堂附入公署更非今仍以建置該之

一舊志凡例云星野統於輿地祀典統於建置揆之名義

終覺未協是矣然秩祀大典而附於學校可乎卽謂春秋上丁猶古來入學釋菜之禮其他祭祀又何以說今特立秩祀門以寺觀附之學校門以書院義學附之似覺眉目稍清

一舊志坊表附入古蹟門查坊表新立者居多不得謂之古蹟也今改附建置門

一志例物產載其美者多者載其有益於人者舊志動植之屬采擷甚詳惟藥物概未登載今採得百餘種以次備錄尙未知有遺漏否

一漏澤園城外四鄉計七十一處舊志僅載一處且注云
久廢不特不忍人之政闕焉未備卽邑人士好善之心
亦沒而不彰矣今補之

一舊志體例之最佳者未可磨滅仍存其修志雜說七則

於卷末

張道超識

修志姓氏

順治己亥志知縣孫光熹王宗朱纂修教諭袁仁瑞鑒定訓導
張凌霄增補原任陝州訓導常秉彝原任臨洮府通判劉
象明編輯貢生胡賓王陳葵葉之馥彭萬程袁運泰參訂
原任南陽訓導張曜原任蒲城教諭馬星日搜閱邑廩生
陳來泰張星煒張嗣程增生常煜同校

康熙甲戌志知縣謝夢弼纂修教諭宋斌訓導劉出圖校訂拔
貢生杜李歲貢生李景仙喬宗僑監生陳是劉溥張若齡
同輯邑庠生申舒張爲煥張璟王紹孔陳司士翟廣運杜

淑美孫璣李釗情搜閱

乾隆壬戌志知縣崔淇纂修訓導吳桂校訂拔貢生申爾宜杜

珖昌歲貢生馬文麟馬麟徵同輯歲貢生常用恩劉泰峙

張繁興保舉孝廉庠生李釗輿搜閱監生劉需楫庠生陳

淑桎張繁盛李秉忠校正

乾隆丙戌志知縣李章瑄纂修教諭王煜校訂舉人張施仁貢

生趙先第搜輯廩生劉煒夏有恒張鳴珂生員常樂志分

編廩生馬釗陳煥生員陳煌馬允中雷鳴盛繕錄廩生曹

建繪圖元和庠生李鳳書李鳳丹參閱

道光戊戌志知縣張道超纂修邑舉人馬九功張協一武舉李
逢源歲貢高振九廩生李熙王重光任鶴山王枏段念祖
增生馬式丹附生段濟昭武都尉常景星布經歷趙元章
貢生張治安黃鐸秦永善監生李宿寬楊鳳儀趙萬選韋
伯榮魏世輔杜雙南石克舉魯大志採訪廩生劉埏增生
馬式丹張廷勲附生劉錫黼校對

謝安嘗曰東晉之興賴有謝安

自樂於計謝安嘗曰東晉之興賴有謝安

乾隆貢士謝安嘗曰東晉之興賴有謝安

謝安嘗曰東晉之興賴有謝安

謝安嘗曰東晉之興賴有謝安

謝安嘗曰東晉之興賴有謝安

重修伊陽縣志目錄

卷首

圖考

卷一

地理

沿革
里甲

疆域
市集

形勝
風俗

山水
物產

村鎮
古蹟

卷二

建置

城池
坊表

衙署
監獄

倉庾
普濟堂

營汛
塋墓

鋪遞
漏澤園

渠道

橋堤

田賦

丁戶
耗羨

地糧
雜稅

起運
鹽引

存留

秩祀

附
寺觀

伊陽縣志

卷三

學校附書院義學

職官

卷

選舉

進士
保薦

舉人
職官

貢生
封贈

恩榮

卷四

人物

鄉賢
方伎

耆舊
仙釋

武勲
列女

流寓

卷五

藝文

卷六

藝文

祥異

卷末

雜紀

尹易縣志

目錄

二

卷末

雜異

藝文

重修伊陽縣志卷首

知縣湖南清泉張道超輯

疆域圖

山川圖


城池圖


縣署圖

學宮圖

八景圖

疆域圖





山川圖





泰山圖

新





城池圖







縣署圖






學宮圖





八景圖

鳳山朝陽在邑北
門外孤嶂聳起兩
翼直舒勢如翔鳳
迤邐而下縣城直
接其脈



瑞雲屏嶂邑南三
里許平嶺橫鋪翠
若列屏有泉有竹
有村有橋景宜曉
望亦宜晚眺



桃源勝跡在雲夢
山下藍水環流引
灌田園中有桃源
古觀竹樹掩映灑
然出塵



桃源古
觀


雲夢仙境在縣治東南山巔
有孫臏墓下有石洞深數里
桃實天花石橋玉塔諸景悉
備塔後一穴呼吸有風聲人
不能到舊傳鬼谷子嘗隱此

孫臏墓

鬼谷洞




峴山疊翠邑南三
十里疊嶂層巒中
峯獨峻羣山不能
掩遙望翠色迎人
形勝與襄陽峴山
相類故名



汝水拖藍即藍水入汝
處風迴波細雲山倒影
對之令人塵心俱淨四
時皆堪賞翫而秋景尤
真或云汝水一帶波清
時有翠色故名

藍水入汝

汝河



龍厓夜雨縣治西石壁峻
增奇險可畏汝水經流其
下亂石激咽泠泠有聲靜
夜聞之如雨厓上有石柱
高丈餘俗傳龍挂角處因
呼挂龍厓

攝龍石

汝水



紫邏石潭邑東十
五里兩厓相對如
闕東有石窟深不
可量汝水經此流
出爲一邑之關鎖



練溪寺

紫羅口

汝河



重修伊陽縣志卷之一

知縣湖南清泉張道超輯

地理志

沿革里甲

疆域市集

形勝風俗

山水物產

村鎮古蹟

後漢書郡國志贊曰衆安后載政洽區分一邑雖小承乏者

政求洽衆求安職也顧境內形勢之要土俗所宜未能瞭於

指掌其何從而求之則地理之不可不明也志地理

沿革

伊陽古豫州地周襄王時秦晉遷陸渾之戎於伊川舊志卽

謂古陸渾地其實本是伊川屬王畿內也

通鑑前編按夷狄之俗依山阻

險伊洛王畿天地之中雖曰秦置三川郡陸渾新城並建曠土豈宜遷陸渾之戎居之

爲縣漢更三川爲河南以陸渾屬宏農郡而新城屬河南郡東漢及魏因之晉河南尹兼陸渾新城宋以陸渾新城

並屬河南郡齊地志載新城而無陸渾東魏置伊川郡領

南陸渾天平中置新城郡領新城北荆並隸北荆州部後

周改北荆曰和州隋開皇初改郡爲伊州領陸渾伊闕二

縣又廢東魏所置郡縣析置伊川大業初改伊州爲汝州

伊川併入洛陽唐初仍治伊州太宗改復河南郡領陸渾

伊闕先天時以陸渾析置伊陽縣按開元後史多載伊闕令長則舊志云伊闕改

伊陽者
非也

五代以陸渾省入伊陽宋興伊闕伊陽並建領治

河南熙寧中又以伊闕省入伊陽建炎末劉豫盡據洛東

諸邑惟伊陽翟進屯兵鳳牛保護陵寢表其功改爲順州

紹興三年翟琮奔襄陽而順入於金置嵩州以統伊陽元

因其舊至正間以縣省入嵩州屬南陽路明初改嵩州爲

縣復隸河南府成化十二年析嵩縣東四保十二里并析

汝州之西南隅復置伊陽縣隸汝州

縣城爲嵩縣東南隅故縣保見景泰間太

古觀

碑

國朝編戶五里

國昭表

神農氏

伊國

唐

路史炎帝上
世國於伊
路史伊川堯母
家伊侯之國

虞夏

豫州

伊闕

漢書大禹闢伊闕
後人因以名縣

商

豫州

伊

呂氏春秋曰伊尹力牧
之後居伊水路史云今
洛之伊陽
縣伊川

周

東都

伊川

左傳秦晉遷陸渾之戍於伊川後遂以陸渾名其地戰國時地當屬韓

東夷

總部

郡州

縣

秦

三川郡

陸渾

莊襄王元年置三川郡河洛伊曰三川

新城

置縣之始史記張儀云秦攻新城宜陽則韓已有新城而秦因之設縣欽裴駟

尹陽縣志

卷一

地理

三

西漢

司隸部

宏農郡

陸渾

註在伊闕左右

河南郡

新城

漢書地理志
註秦三川郡
高帝更名河南

東漢

司隸部

宏農郡

陸渾

河南尹

新城

三國魏

司州部

宏農郡

陸渾

河南郡

新城

晉

司州部

河南尹

陸渾

南朝
宋齊

司州部

河南郡

陸渾

新城

北朝
東魏

北荊州部

伊川郡

南陸渾

新城

周

和州

新城郡

改新城為
伊川郡

新城
北荊

陸渾

隋

豫州部

伊州

陸渾

部

新州

隋初龍郡置
州領陸渾伊

伊闕縣始
設

部

伊州

關二縣大業
初改為汝州

伊川

汝州

開皇初廢東
魏所置郡縣

汝州

又析置伊川
縣大業初併

部

伊州

汝州

入洛陽舊志
云開皇間改

部

伊州

汝州

為武林伊闕
大業初又改

部

伊州

汝州

名嵩陽今考
武林嵩陽並

部

伊州

汝州

屬登封
舊志非

唐

河南道

伊州

河南郡

唐高祖時仍置伊州太宗取洛陽改復河南郡按魏府君志則中宗時伊邑尚為汝州也存攷

陸渾

伊闕

伊陽

唐初仍置伊闕先天初以陸渾析置伊陽縣屬河南府

五代

西都

後唐又為洛京晉漢周為京西

河南府

伊闕

伊陽

以陸渾省入伊陽

宋

京西北路

河南府

伊闕

伊陽

熙寧中廢伊闕為鎮省入

伊陽

順州

紹興中進伊陽為順州

嵩州

順州失守歸於金改為嵩

伊陽

泰和中仍置伊陽

金

南京路

宋紹興中地入於金

元

河南江北道

嵩州

伊陽

南陽路

至正三年以
伊陽縣省入

嵩州地為懷

吉保故縣鎮

屬南

陽路

明

河南布政司

河南府

嵩

洪武初改嵩
州為縣屬河

南府

汝州

伊陽

元屬南陽府

成化十二年

成化十二年
復析置伊陽

直隸布政司領縣圖

縣隸汝州

國朝

河南省

汝州

伊陽

成化初祭酒周洪謨著流民說李賓援其說上之上命副

都原傑大會湖陝河南三省撫按僉議籍流民得二萬三

千餘戶給曠地開墾設州縣以統治之遂割竹山置竹溪

割鄖津置鄖西割漢中洵陽置白河又陞西安之商縣爲

商州而析其地爲商南山陽又析唐縣南陽汝州之地爲

桐柏南召伊陽伊初屬南陽汝州滕司馬昭奏請直隸汝

州此伊陽置縣之緣起說詳雜紀中

按明史地理志伊陽成化十二年十二月以汝州之伊闕
故縣置析嵩及魯山二縣地益之又考河南府志伊闕舊
縣在嵩縣北九十里嵩志云舊縣卽唐宋所置伊陽縣
林鳳山朝元觀碑文又路史曰今洛之伊陽卽嵩縣雜考
碑碣則今之縣治在元爲故縣鎮明初爲故縣保合而參
之當是唐宋之伊陽已屬嵩境而此地卽伊闕遺址而損
益之者歟

明史所云汝州之伊闕故縣按太古觀碑則此地元屬嵩
州明初亦屬嵩縣定非汝州地或以設縣後卽隸汝州又
析汝之西南隅而因從其所統耶又考唐杜工部送賈閣
老歸汝州詩並魏府君墓誌則柴邏山舊在汝州蓋隋改
伊爲汝則伊闕之先爲汝州未可知也惜乎僻壤無書末由詳考耳

疆域

按王浚儀地理通釋伊闕隋時縣漢曰新城廣輿
記亦云秦新城隋伊闕唐伊陽邑之源委可考已
顧今之疆域非舊自明以前不能臆爲區
別而設邑後之隸境內者按籍而可知也

伊陽縣

偏僻

在汝州西少南九十里

明史地理志

東西濶六十里南

北長一百六十里東至車坊汝州界三十里至汝州九十

里西至分水嶺嵩縣界三十里

雍正五年兩邑民爭地而佃南汝道孫履勘各分一

半以穆家密爲界載河南府志

至嵩縣九十里南至普救關魯山縣界一

百里至魯山縣一百六十里北至土門洛陽縣界六十里

至洛陽縣一百四十里東南至石台街汝州界四十里東

北至茹店洛陽縣界五十里西南至泰山廟魯山縣界一

百二十里西北至柴柿嵩縣界三十里東北至河南省城

五百四十里遠

京師一千九百九十里

形勝

伊闕界汝之西南群峰羅列斜陽返照波流溶溶渠潭碁錯

雖兵燹之後猶存洛鎬之雄風

孫志

伊邑面環汝水背擁鳳山左襟紫石右帶瑞雲疊嶂層巒重

崗複澗為成周之近壤周召之化區也

謝志

山

伊陽四面環山山勢迤邐取其聯絡故祇分四境

城之東五里為漫城嶺

南濱汝河迤東連紫邏坡

紫邏山城東十里山勢峻險兩山對峙汝河經流其下水石

相激決而為潭潭水溶溶怪石巉巖杜詩雲山紫邏深即

此八景之一紫邏山口北接天馬南連雲夢有汝水界其間迤東少北為雙朶山

雙朶山城東十三里

在小店西北山後即練溪大嶺坡東有五龍廟其處名擡頭山

練溪大嶺城東北十三里中有練溪寺西有龍潭曬龍臺

南為

紫邏

天馬山城東北十五里

西南連接紫邏山山之盡處為八盤山

八盤山又名葩山城東偏北十五里

在皋家窰北北連大虎嶺其東南有虎頭山上

有五

龍廟

虎頭山城東北三十里

車坊北迤北為龍山

塢龍山卽五龍廟山城東北二十五里

汝伊交界迤西有大馬山口小馬山口

大馬山口 小馬山口城東北三十里

坡北范灘小馬山斜南有老虎寨通練溪

寺迤北爲

香鑪石山

香鑪石山城東北二十里上有大石高七仞許狀如香鑪

坡北

鐵鑪

大虎嶺城東偏北三十里

坡北陶營

紗帽山 打磨崖城東北三十里

俱在陶營

連珠山城東北六十二里五峰相接如連珠又名五峰山

馬金

城蓼花村居詩五峯當戶直是也後一峯獨峻上有舊廟及塢唐牛僧孺自鳴皋至大安迷道夜宿解姬廟見周

秦行紀

在大安東北其東為汝州長龍山北為登封馬

鞍山南面稍平處為卧簞山前峯曰華實上有石寨第三

三四峯統名羊圈山後峯最高處曰鳳凰山

即汝州娘娘山亦名四不管山薄后廟今廢

余坡城東北六十里

在大安

霸陵山城東北六十里

在茹店由連珠山迤邐而西北又北為長嶺山

長嶺山城東北六十里

在茹店西北為汝伊洛登交界邈洛界摩天嶺在崗北者曰八角山又迤

北有石嶺邢嶺谷嶺門

嶺楊嶺趙嶺即夾馬嶺

黑石嶺城東北四十里

在金庄南

長壽山亦名天壽山城東北五十里

辛店東泥陽之南山灣有二郎廟廟東有神水

池以上

東上竟

城之北三里爲鳳凰山一峯獨秀左右二岫如翼故名山麓

有石五色瑩潔形如鳳卵索不多見旭日朝升光彩煥發

八景之一孫志云上建元武宮已廢今建文昌閣朱衣廟

鳳凰山之東北二里有甘泉山

坡下爲楊庄迤北卽八里窰

過鳳凰山而北爲黃龍廟嶺

在上下洪濶之界少東北爲卧雲山

卧雲山城偏東北二十五里脉接九臯長殆百里遠望如雲

卧然

文太青藥溪筆談云杜詩雲卧衣裳冷疑指此又云登山可望嵩景嵩崖云卧雲山脉來自熊耳左伊右

汝一脊中分經數千里而後

合如華蓋然西連大風山

大風山城北三十里兩山對峙中通一道雖無風常瑟瑟有

聲故名俗傳有仙女望龍門足跡

孫志名大風山口其下為上蔡西名牛山

路崎嶇邑貢生張其伸捐資修闢

牛山即大風山口西

下坡為冷鋪南連大風西接九皇尾注嵩縣黃得地偏西北連松兒崖

落仙山城北三十里

在上蔡南鎮

對仙山城北四十里

在常渠蓋以大風仙跡而名

雞鳴山亦名鳳山城北四十五里

在下蔡上有古寨

九泉山城北四十五里

在蕭庄

吳起嶺城北五十里通志云吳起屯兵於此

在沽泊至在圓石頭而多

竅不造於用自辛店以西尤甚不可種樹知縣呂大抱王孫志又載駱駝

嶺

安坡城北五十里

在白元

龍山

亦在白元西南界嵩縣常峪

金山城北五十里

在夾河東下有金山寺山前有不老泉背有寨其麓為鸞峪溝

惠山

亦在夾河西連嵩縣常峪

虎頭山城北五十五里

在下保其山平地發嶺下為清涼寺

夾馬嶺一名鳳形山城北六十里

東接長嶺坡下曹凹有古槐一株又有報恩寺

鳳凰山之西北揚名山城偏西北二十里

在秦定連接鳳山北接九皋西連嵩

縣娘娘山前有娘娘廟

棗林西又有黑松山當屬嵩界

松兒崖城西北二十里

卽九皋山派連嵩縣界通志載九皋山以上西北境

城南三里瑞雲山峻嶺如屏林木鬱葱煙嵐出沒宛若畫圖

八景之一

迤南三屯其東

南爲雲夢山中隔馬藍河

雲夢山城東南八里懸崖峭萼下有石洞濶不數武廣輿記

載鬼谷子嘗隱此俗傳蘓秦張儀受書處因名王禪洞洞

徑逶迤必執炬乃可入進二里許小澗橫道望一洞口如

箕隔澗有小石塔水從頂滴泠泠有聲逾澗探洞內遼濶

無際迄未有窮其源者

八景之一北爲水簾洞又有牛角洞南爲桃源洞在汝河南馬藍河

西南至馬藍爲頭灣

迤北句東接紫羅口

桃園山卽桃源勝跡夾岍桃花爛漫河水繞出其右鳥啼花

笑令人有出塵之想

八景之一

滕家嶺

卽雲夢山東麓其南爲紅家嶺

雙頭山城東南二十里

在關帝廟鎮西北連雲夢

鳳凰山城東南三十里

石臺南山下有小河

太紅廟坡城東南三十里

昌村西南上有小太紅廟

掛弓山城東南三十里

段圪踏東南連風字山

風字山城東南十八里

在二郎廟南卽峴山之麓下爲乾明寺有郝家嶺南界汝州

虎頭崖城東南二十五里

聖王鎮峴山東北峭壁摩空有石狀若卧虎有瀑布泉北峯爲紅崖

大橋坡嶺城東南三十里

東聖王西三屯

黃龍廟山城東南三十五里

紅軍營東南山坡半面屬汝州

峴山城南四十里千仞聳峙峰巒秀絕類襄陽之峴山

通志云唐

太宗經此以其危峯獨見故名東至聖王西至玉蔴地魯志焦山東北歷伊之峴山東漸低平云孫志載上有

神宮春秋人多朝禮者謝志云政和間名太和山東麓亦有雞冠石山八景之一

雙島山城南四十里

三屯峴山西北數峯層疊南向如拱北峯為筆架山其下平坦狀若硯池名硯

凹坪又北連雙乳峯與雲夢對峙

西岳廟山城南四十里

在玉馬地南孤石溝明嘉靖年修

珠簾崖城南六十里

西接青羊舊志云馬藍河發源處或其經過之地耳

青羊寨山城偏西南六十里東王馬地西馬廟南坡有土

興隆山城南六十五里在大荒坪東南北汝南魯界

牕呼嶺城南七十里大荒坪南二十里

苑林山城南一百二十里在孟村馬藍河發源於此有奸漢坡閭人溝等處與魯山分水為界

焦山城南一百二十里在何村南與汝州分水為界南係魯山境以上東南境

城之西一里為蒿梨山又名望城崗

石空山城西二十五里山石多洞故名在棗林南孤庄坡北東南汝河經流其下西連仙人寨與

嵩分界

分水嶺城西三十里有水自嶺上南北分流伊嵩交界明史地理

志西有伊陽山又有堯山即天息山也上有分水嶺
通志孫志俱載天息山按今在嵩境堯山亦屬魯山

掛龍山城西南十五里懸崖壁立下臨深潭崖勢蜿蜒突出

石鈎望如龍掛夜半崖水相激淙淙又若雨聲

八景之一
汝水所經

在上店西西馬司溝連嵩

縣雪堂寺界迤南為青山

青山城西南三十里

西竹園乾栗坪交界中隔汝河上有
真武廟明時建孫志名青山窄口

十八盤山城西南四十里山峰高峻路有十八折故名

在上店東

南乾隆二十八年里人趙鳳同姪

貢生蘭輔捐修山路行人稱便

紫砂嶺城西偏南四十里

巡檢司界在
桐木札溝東

將軍堽山城西南四十里

桐木札溝邪
汝河交界

七里堙城西南四十五里

邪紋河楊坪交界

五朶山城西南五十五里五峰相連金史蒲察定住次五朶

山下取鵠路

魯志未載此邪紋河迤南至馬廟

篩子梁山城西南七十里山多石洞形如篩眼故名卽唐時

五重山見文獻通考

楊坪馬廟交界

鸞猪嶺城西南七十里

小白坪窟梁灣交界

須彌山俗名粟米山城西南少北九十里

在小白坪西山連嵩界山前屬伊境

鎗竿嶺城西南六十里

巡檢司馬廟交界

魚山城西南八十里

椿樹坑楊坪交界

雞冠石山城西南九十里

在傅店東連魯山界山麓有海棠寺古蹟尙存

馬道嶺城西南九十里嶺麓有輝泉寺今廢

椿樹坑南松門溝北

三元嶺城西南一百十里

椿樹坑南泰山廟北

十八梁山城西南一百二十里

上有皂礬嶺松門溝泰山廟交界以上西南境

過風砭在城南三十五里崇天宮南

東西兩峰聳峙谷口常有風驟過

和尚崖在城南二十八里探馬溝

有石形似佛手執經北面端坐

跑馬嶺在城南三十五里峴山旁

上極平坦可以走馬

滴水崖在城南二十八里馬四溝

其水細滴有如更漏

假蟆崖在城北鐵鑪營南

兩崖俯仰如假蟆銀鬚

雞冠山在米坪鎮西高數百丈每夜半聞雞鳴故其地無蠍

猴山在米坪鎮東大小諸石皆作猿猴形

牛心山在大豐西南由半有烏龍洞門垂瀑布

西嶽山在大豐鎮北山有石洞極幽僻

松朶山在大豐鎮西石如松朶山椒有古松一株

白米崖在玉馬鎮東崖下土白如玉沙石如米

貫珠嶺在城北三十里形纍纍如貫珠故名

大石嶺水經來需水西南逕大石嶺南注云魏文帝獵於此山虎超乘輿孫禮拔劍投虎于是山阿有魏明帝

高平陵王隱晉書曰惠帝使陳總仲元詣洛陽山請雨總盡除小祀唯存大石而祈之七日大雨即是山也按高

平陵在今茹店之霸陵山古今異名也

狼皋山水經注汝水自狼皋山東出峽謂之汝阨也

案山海經放皋

之山多作放皋之山吳志伊註皋古皋字狼皋山當卽是狼皋山又案畢氏山海經校正引太平寰宇記伊陽縣鳴

皋山在縣南三十里以今考之或是城西之七皋山

汝阨見上案汝水自掛龍崖出峽其地甚隘又與九皋山相望疑卽此

九龍洞在夾馬鎮

水伊境惟汝伊二水爲幹河其南境之大者爲馬藍入汝北境之大者爲永定入伊外此皆支流也錄如左

白瀾潭城東一里

嚴庄河城東三里俱通

洛峪河城東七里

經皋密村南黑龍潭至武家灣入汝河

練溪城東少北十五里發源東北虎寨溝溪泉清冽左右環

流

經練溪橋東出紫羅口入汝河

蝦蟇潭城西五里汝河經流至此為潭嘗有黑馬夜出害民

稼晝入此潭迨汝水繞南流而害遂息俗訛呼黑馬為蝦

蟆故名今成陸地

柏樹河城西三十里發源九皋山至穹窿堂前入伊境棗林

坪旋繞至柏樹溝入汝河

柏樹溝有山溪一道發源分水嶺至此入汝

汝河經城南明史地理志云伊陽南有汝水發源嵩縣天息

山由西王庄入境經孤庄坡楊欄溝楊溝歷上店繞城南
東流出紫邏口經小店南至小寺之王庄入汝州境長七
十里舊志云明時汝河繞瑞雲山而行去縣二里許北崖
濬渠一道開堰寺兒灣及邏坡庄六七里內皆畝可鍾收
其後山水暴漲衝決瀾漫河去城隍止數武矣

孫志載出
文石今亦

罕見 城南有馬家書房綠柳掩映芟荷
繽紛爲邑人遊賞之處今淪於河濱矣

九女河城南三里出瑞雲山下達汝河長三里旱澇不溢不
竭有碑記曰聖水泉未考何年所立俗呼爲九女泉

半國河城南五里

馬藍河城南八里馬藍村發源正南之孟家村苑林山下經

米坪大荒坪西岳廟孤石溝看花崖從謝坪六湖馬槽溝

王馬地潭砍溝口抵峴山西隅轉東傍紅崖潛伏至雲夢

復現并入三屯東保村河北流至村會於汝

舊志云舊止同渠道開兩

旁小渠十數溉田嗣後泛漲廣里餘長五十里因名爲
河 藍水入汝處八景之一舊志發源珠簾崖恐非

白草溝城南二十里三屯

苑林山河城南一百二十里發源孟村東流經晉救關入汝

州境

黃龍潭城北十五里在下洪澗上洪澗之界上接山澗北枕

石臺高二丈餘得雨則溢飛流直下注爲此潭東西山形似二門深莫可測樹木交覆於上俯視潭影窈然而深臨之令人股慄

小河城北三十里大北西鎮

潦北湖城北三十三里在北西西北東流至魏家村入州境

徐家橋至張寨入汝河本係民田四面皆高每值淫潦窪

聚深可丈許廣可里許成爲巨浸見通志

孫志未載

仙人泉城北四十里在常渠從對仙山石縫湧出成河經下

蔡會劉伶河入伊河一名九女泉又名滴珠泉石崖滴水

如珠故名

又有王河出常渠入杜水

葉家湖城北五十里在沽泊鎮與潞北湖相似而差小通志

云大可數里四面嶺水瀦焉近决谷山北出遂成沃田

杜水河城北五十里白元源出牛山由杜康硖過全溝至夾

河鎮會於伊長十里俗傳杜康造酒於此故名孫志載有

夾河城北六十里卽此

在下蔡名劉伶河又有鸞峪溝從杜水北流入伊河謝志載入永遠

渠下蔡夏保二渠皆本此今已廢

小蒼龍溝城北五十五里在白元西南源接嵩縣惠明山

伊河經城北六十里明史地理志云伊陽西有伊水水經云

伊水出南陽縣西蔓渠山東北過郭落山又東北過陸渾
縣南又東北過新城縣南又東北過伊闕中又東北入於
洛又按伊水源出盧氏熊耳山閭頓嶺經永寧宜陽嵩縣
入洛陽由伊闕而北轉折而東會洛入于河其經伊陽境
內者長十五里由謝家庄入境至土門北入洛陽境謝志云舊
河道在夾河班家庄之西二里許後因土人開永泉渠引
河灌地水勢湧逼而夾河鎮當其衝沃壤皆成水濱矣甚
矣水利之
未易言也

水牛溝城北六十里金山清涼兩寺之間合白元河環抱夾

白龍潭城北六十里汝伊交界

畫廟溝城東南三十里二郎廟南經關帝廟村小河北流入

汝河

東爲董家溝

峴山小河城東南四十里朱家灣西發源峴山經太紅廟坡

北流至石臺入汝河

小寺河城東南五十里在聖王紅軍營交界

永定河城東北六十里大安發源汝州孃孃山卽連珠第二

峰入伊境會高家河經茹店楊砦王耆富流至土門入伊

王河長二十五里

永定渠本此

地理

玉帶溪城東北五十里源出連珠山廻繞大安白若玉帶流

入內埠惠民渠

高家河城東北六十里崗北會永定河水入伊河

雙流河城東北六十里崗南源出崗溝嶺過雙龍橋西流入

永定河

長壽河城東北六十里茹店源出霸陵山三交嶺會入永定

河

界洛

楊坪河城西南七十里

猪龍泉城西北十五里秦定南入汝河

漫流河城西北二十里漫流

源出金鳳山越柴柿溝石門關至村入汝

明水山海經放皋之山明水出焉水經注明水出梁縣西狼

皋山俗謂之石澗水西北流經楊亮壘南又西北合康水

入伊

康水水經注康水亦出狼皋山北逕范塢北與明水合又西

南流入伊

案杜康以杜水名杜水或即康水與

來需水山海經半石之山來需水出於其陽而西流注於伊

水水經注來需之水出於半石之山西南流逕斌輪城北

西歷菱澗水以其西流又謂之小狂水也

案畢氏山海經校正謂當在洛

陽伊陽
之界

三屯谷水水經注汝水又東與三屯谷水合

案三屯今在縣南此水或即馬

蘭
來河

廣成澤水水經注廣成澤水出狼臯山北澤中其水自澤東

南流與溫泉水合

古屬梁縣

廣潤河在伊邑東境屬梁縣梁縣有紫邏山廣潤河

青泥澗在城西六里南入汝

獅子河在城西二十三里發源絕金頂迤邐行三十里東會

柏樹河入汝

棗林河在城西二十五里一源發七峰山一源發石空山東
流至菜園村匯獅子河與柏樹河同入汝

楊溝在城西二十里發源石空山東入汝

黑龍潭在城東北十五里郃窰之南洛峪溝北面頗平坦南
行有石磴二各高丈許又南則形勢逼狹兩崖壁立十餘
丈石磴下有潭半嵌石腹中名車箱潭又南數武石磴下
有潭名魚鼈潭其南突起小山山後卽黑龍潭伏流半里
至沙圪路村始出南行漸大居民賴以灌田由洛峪溝入

汝
舊志未晰茲
照採訪詳載

金河在城南三十五里玉馬鎮水色黃灘沙可以揀金稍東則清流滉漾無復金沙之異

烏龍泉在城西北二十三里秦定村泉自石龍頭出下承方池沿流入溝中地多上水石俗名水銹石或云水草之所結也

瑞泉在石家嶺村南遇年豐則水旺亦關文運

村鎮

東關東三里嚴庄

俗名鑼鼓庄

偏北五里下洛峪

北爲上洛峪其西爲楊庄又

東二里武灣

依紫羅坡

又東十里小店鎮

在坡東西北二里馬家店

又東三

里郭家庄偏東南八里小寺鎮

西北一里葛庄五里書房溝東二里傳庄東南二里

王庄又正東二里車坊

右正東路至汝州界三十里

車坊有界碑連州境

西關西六里寺灣

在嵩梨山西西北三里青泥溝

又西四里漫流

西北五里杏樹嘴又

西三里大庄偏北三里水磨

又西五里郝家溝

西北四里李庄又一里柏樹溝

偏西北

五里東棗坪鎮又五里西棗坪鎮

東南二里石橋龍脖子又東一里葦園又一里裴

灣又偏南一里閭窰西南五里穆家窰

城西十八里蘊寺溝村

又一里楊嶺村又三里天

窰院又一里下獅子溝村又一里上獅子溝村

右正西路至嵩縣界三十里

穆家窰嵩志云河橋在棗林均有界牌其地即分水嶺又

黑溝亦
嵩界

南關南三里城東鎮

在汝河南村西有翟節度古城
又南三里盆窰又二里石門

又南七

里龍王溝

北三里
石門溝

又南三里王屯又南三里北保

即郭庄
東南二

里員

庄又南二里黃庄又南二里三屯鎮

東一里東保又東
隔河二里紅崖又

東五里大橋坡嶺東即係
聖王鎮西北三里曹劉庄

又南四里南保

南五里即
峴山麓

又南

十里玉馬地鎮

在峴山西東三里車前溝又亂柴堆東連
紅軍營東北五里彭家灣西三里武溝西

南三里

又南五里六湖又南三里謝坪

在青羊寨山北東
三里柏樹溝西五

里寶豐溝南

又南五里孤石溝又南八里大荒坪

中隔青
羊寨西

三里碾坪

岳廟山坡東二里老龍溝即洞兒溝東南五里東停溝又
東二里安溝又南二里蔡家溝西北二里英窩溝西南五

里西
停溝
又南十里响地
中隔窻
偏東南二十里何家村
在焦

又南十里土門
西北二里牛圈
又南十里米家坪
在焦山

山東南東南三里核桃園西南三里好漢坡閤人溝
西五里孟家村西十里南天梁又西北卽石柱溝
偏東

南十五里
普救
又城南八里石坡
又二里石門溝耿家溝

陡溝旗
杆嶺

右正南路至魯山縣界一百二十里
普救關南魯北伊魯

里羊崖山爲伊魯界米坪之東北何村以焦山之分水爲界西南之桃林山亦以分水爲界皆魯境也

北關北十里下洪澗
南卽鳳山
又北五里上洪澗
中界黃龍潭東

里楊樹嶺西北
五里馬頭崖
偏西北十五里冷鋪
中界牛山卽大風山

又北三里上蔡南鎮又北二里上蔡北鎮南五里馬溝東

二里范村又五里陳又北十里常渠鎮西三里彭庄東又

北五里蕭庄鎮東北二里鐵爐蕭庄西三里下蔡鎮南三

溝西南五里杜康又北五里白元鎮卽寨子街東北三里

砭西四里屈家營又北三里梁家寨又北二里下保鎮東南

西南五里班庄又北五里土門鎮東五里夾馬東南三里曹門又魏

家寨西北五里竹園頭

右正北路至洛陽縣界六十里土門關帝閣北連洛境浩

伊西北九臯山爲嵩縣界故北境東廣而西狹白冷鋪之

峪保班庄之西為省源頭夾河之西為古城砦以及下保之西皆嵩境也

東關外東南五里鬼峪又三里馬藍鎮

在汝河南馬藍河東北五里椿樹嶺

又東南十里聖王西北鎮關帝廟

遶雲夢山而南西北五里劉窑接紫邏口西三

里馬蹄灣東三里趙村又一里胡村又一里郝家庄鎮西

南四里秦家窪半里辛家庄一里孟家窑搭連溝安家溝

鎮西南田家窑一里馬家溝

一里申家嶺二里閭家嶺

又偏東十里聖王東北鎮石

臺街

西南三里聖王臺西五里王屯南一里東西袁庄又一里李庄又一里高庄又一里蕭村又一里紅龍廟

又一里

聖王古寨

東九里蜂籠溝正南五里尹家庄又二里楊家嶺又二里牛家溝西二里九間

房又二里

棗園溝

關帝廟之南五里聖王西南鎮二郎廟

西三里舜王廟

東三里龔窑東北二里栗樹砦西南三

里七間房南五里老窩又一里鍾凹

又東南十里聖王

東南鎮劉家店

東北三里昌村東三里段圪路西北三里東西沙坪又二里史圪路西南三里朱灣

又四里邢坪又三里和尚庄又一里鄭庄庄北三里樊庄

又一里狼坡凹南三里油坊庄鎮南五里楊樹嶺村又一

里石橋村東南五里

又偏西南十里紅軍營

中隔小寺河梁庄又一里黑風溝

北為汝魯伊交界東北三里小寺河東三里鹽店庄西二

里梁溝又一里陳坡溝東南五里荒天溝西界玉馬謝坪

諸鎮

右東南路北境石臺街

觀音閣東汝州界

南境掛弓山坡

有雙石牌盧溝

汝州界伊南境長而狹其東南至紅軍營以南皆汝魯交錯之處故以紅軍營列東南路使界限易於割然自汝

河至王庄入州境河之南為汝州崔庄尚在石臺街北由

石臺西南聖王臺亦錯入州境又迤南板達蕭村之東皆

州境也轉西南為掛弓山坡以龍鳳泉為界又西至紅軍

營其東為石板河河東南係魯山北孜街界偏北即汝州

盧溝界紅軍營正南荒天溝為魯山界東南黃龍廟山坡下南半面約三里許為汝州境

東關外東北八里八里窰

在甘泉山東坡

又北八里皋家窰又北十

五里北西鎮

在八盤山北東一里小北西

北西偏東三里陶營鎮

在大虎嶺

北西南八里蟒庄東二里鐵爐營又一里柿園又一里范

灘又一里魏家村東南三里崇興寺北八里馬坡東北五

里黃灘距城二十五里

鄆家庄西五里草營

又東北十里內埠鎮

汝陝通路南五里雙泉西

十里辛店西南三里金庄又三里西金庄又四里南坡西

北八里柳溝東北三里黃灣東八里馬營東南五里谷家

庄又一里史家庄又一里紅瓦房村西

又東北十里大安

南五里池字頭村東北三里黃金寨村

鎮

西五里崗底南北二鎮西北五里高家河又一里卓墓又一里浪子庄又一里辛砦西南十里王起店又一里

常庫頭在長壽山東鎮西七里張庄又四

里劉庄鎮西北六里杜庄又六里魏家砦

又北十里茹店

鎮

東一里焦庄又一里曹劉庄西北四里泥陽西南三里羅窪又一里石家嶺又一里邢家嶺又二里閭家嶺又

一里楊家嶺又一里趙家嶺西連夾馬鎮鎮西又城東北

北七里張村鎮西南三里張砦西北二里戴堂

老庄

又一里樓子庄又一里辛庄又三里草營

右東北路東境馬營

東係汝州响崗營界

北境茹店

永定橋即太平橋其北街與洛

分界街東北為洛境偏西南係崗北鎮又以夾馬嶺之南此分界嶺北為洛之白沙嶺南迤西直至土門自車坊

偏西北五龍廟山汝伊交界又少西北之魏家村與州之

曾家營界自馬營東北連珠山為汝伊登洛四處交界曹

劉庄北係登

封縣程子溝

西關外西南五里下店

在汝河南東二里劉庄

又西三里竹園鎮

東二里乾

河西南二

又南五里猴套

東三里趙村又一里三道崗西三里產庄西北三里謝峪

又

西南十里孤山陰

東北五里東局

竹園鎮之西五里上店鎮

在汝河南

東南五里范溝南三里布河又二里西局西南五里圪路河西八里龍泊

偏西北十五里西竹

園鎮

在汝河北東南二里虎峪灣楊欄溝又三里楊溝北五里水頓溝西北三里孤庄坡西一里趙庄又一里

周庄又一里劉庄又一里穆家庄又十里板札坡孤庄坡之北為石空山即連棗林坪

上店之偏東

南十五里十八盤十八盤之偏西北五里乾栗坪

在青山南東北

五里馬司溝西十里黃路砭南六里五里坡又四里窟梁灣

其西南五里桐木札溝

東

里紫砂嶺西八里將軍堽北十里草栗砭

又西五里邪紋河

南十里五梁山又西十里七里溝

西南二十里楊坪

西三里王庄又二里楊坪河北十里七里堽南十里魚山

又西偏北

三里小白坪

東七里鸞猪嶺西十里栗米山北十里趙八梁

小白坪之西南三十

里椿樹坑

東五里靳村又七里馬道嶺東南三里王樓又一里水壺南五里桑葉嶺即桑樹溝西南五里

天池嶺西

十八盤山之南二里營兒邨又南六里巡檢司

臨汝河

東十里孤山陰牌路西五里錦

巡檢司西南三十里馬廟

杆嶺南八里馬槽溝連玉馬地

鎮

在五塚山東南青羊砦山西東三里東溝又一里拔菜坪西三里四道河西即篩子塚山南十里二道河又

西南十里傅店鎮

東十五里雞冠石山西北十里砂溝連椿樹坑

又西南二十里

松門溝

東十里陰樹溝東南十里老龍溝又十里石柱溝

又西南三十里泰山廟

鎮

東八里侯庄又九里十八塚山皂樊嶺北十五里三元嶺連椿樹坑南十里大黃水

上店鎮南八

里核桃樹

又一里關帝溝

鎮西七里菜楊樹

又三里

鎮東南五里

雙廟嶺

又二里謝峪俗傳宋時謝宰相故里

鎮西二十里八里灘

右西南路北境孤庄坡西至穆庄玉皇閣汝河之南偏西

椿樹坑西臨汝河西南境泰山廟西係嵩縣豆腐店界西

伊嵩交界又西南即嵩縣沒大嶺其偏南香山有過風樓

為魯山縣界迤南皆魯境也伊陽南路西南路村鎮多

在重山複嶺之中故俱以山表識之由棗林南西竹園

之北水獺溝西板札坡皆隣嵩界汝河以南則乾果坪東

北之馬司溝西之黃路砭窟梁灣之南北小水溝小白坪

北之趙八梁西之粟米山皆與嵩連界傳店之東南雞冠

石山則係魯境

西關外西北十里馮家庄

東一里布嶺又一里葛條砭又一

里下張河東北二里上張河東連

洪澗東南三偏東北三里秦定東一里又西北八里柴柿

里核桃樹

鎮東三里營裏西七里水芹菜溝又三里窟街堂西南五

里權家溝又三里粉粧溝又八里牛家嶺西北五里馬

屋又一里五龍溝又偏西

五里圪棗溝界連棗林坪

右西北路柴柿

五龍溝係嵩縣界伊西北九皋山與大風山相連東接即雲其在伊境者為松兒崖

茲僅劃棗林之偏東北為西北路云

凡八路分四十九鎮設總約八名鄉約五十七名保長七十

九名

里甲

舊志載明初編戶三十一里今改為四里又收併河南衛共

五里

順治十六年正月內奉文收併河南衛

原設三十一里

坊廓里 上店里 東局里 柴柿里 竹園里 蔡店里

白元里 內埠里 崗底里 茹店里 報恩里 雙泉里

大安里 土門里 夾馬里 夏保里 富流里 辛店里

潘家里 曲家里 玉馬里 紙坊里 沙平里 紫邏里

車坊里 溫泉里 平安里 西局里 官庄里 棗林里

秦定里

今併存五里里分十甲

紫邏里 縣西 白元里 縣正北 上店里 縣正東 平安里 縣西

陶鐵里 縣東北係併河南衛改名 按里納糧舊日十三

設里差知縣李章堦禁革止令單首滾催

東門並東關

天字保甲長三牌二
十七戶二百七十九
西門地字保甲長二牌二
十一戶二百十三

南門

元字保甲長二牌
二十戶二百零三
北門黃字保甲長一牌十
六戶一百六十三

右在城四門並東關計八百五十八戶共設保正四名

甲長八名

洛峪

字字保甲長四牌三
十二戶三百二十九
小店宙字保甲長四牌三
十六戶三百五十二
小寺洪

保甲長四牌三十

三戶三百三十三

右東鄉計一千零十四戶共設保正三名甲長十二名

寺灣

豐字保甲長一
牌五戶五十八
東棗林日字保甲長六牌二
十九戶二百九十八
西棗林

保甲長三牌二十
保甲長三牌二十
竹園盈字保甲長四牌三
十一戶三百零二

七戶二百七十六

右西鄉計九百三十四戶共設保正四名甲長十四名

城東

景字保甲長三牌十
九戶一百九十九

北保

辰字保甲長二牌十
六戶一百四十九

中保

宿字

保甲長二牌十四

東保

列字保甲長三牌十
七戶一百六十四

南保

張字保
甲長三

牌二十八戶

玉馬地

寒字保甲長四牌三
十六戶二百九十一

謝坪

來字保甲
長一牌七

二百六十九

戶七

菴竹坪

暑字保甲長一
牌十戶九十四

孤石溝

往字保甲長二
牌十戶九十三

六湖

又往字保甲長一

大荒坪

秋字保甲長二牌十
八戶一百九十八

响地

收字
保甲

牌九戶八十八

長二牌二十六

何村

冬字保甲長二牌十
五戶一百四十三

米坪

藏字保甲
長五牌二

戶一百五十六

十八戶二

百八十七

右南鄉計二千四百零六戶共設保正十四名甲長三

十三名

洪澗

閏字保甲長二牌二
十二戶一百九十七

上蔡西南

餘字保甲長一牌
十一戶一百零六

上蔡

東南

成字保甲長一牌
十四戶一百一十一

上蔡

歲字保甲長三牌三
十戶二百八十九

常渠

律

保甲長二牌二十

蕭庄

呂字保甲長二牌
十五戶百五十七

下蔡

調字保甲
長二牌二

十三戶二

夾河

陽字保甲長三牌二
十九戶二百九十六

白元

雲字保甲長六
牌六十一戶五

百八下保

騰字保甲長二牌二
十五戶二百四十八

土門

致字保甲長二牌十
九戶一百八十六

夾馬

兩字保甲長三牌
三十一戶三百

泥陽

露字保甲長二牌二
十一戶二百二十一

沽泊

結

保甲長四牌三十

九戶三百八十一

右北鄉計三千五百零九戶共設保五十四名甲長三

十五名

馬蘭

為字保甲長一牌九戶九十一

聖王東南

霜字保甲長六牌四十二戶三百九十七

聖王西

南

金字保甲長三牌三十二戶二百八十

聖王東北

生字保甲長三牌三十四戶三百十三

聖

王西北

麗字保甲長五牌三十六戶三百二十六

紅軍營

水字保甲長五牌二十四戶二百二十又

甲長二牌十五戶一百五十九

右東南鄉計一千七百八十六戶共設保正七名甲長

二十五名

竹園鎮

玉字保甲長四牌二十八戶二百八十九

上店

出字保甲長三牌三十戶三百零四

猴套

崑字

保甲長二牌二十六戶一百六十八

孤山陰

岡字保甲長三牌十六戶一百六十

西局

劍字保甲長三

牌二十一戶

巡檢司

號字保甲長三牌二

馬廟

巨字保甲長四牌四

二百三十一

十六戶四

傳店

關字保甲長二牌三

陰樹溝

珠字保甲長二牌十四戶

百十五

一百四

石柱溝

稱字保甲長五牌

侯庄

夜字保甲長二牌

十一

泰山廟

光字保甲長四牌

椿樹坑

果字保甲長七牌七小

白坪

珍字保甲長二牌二

楊坪

李字保甲長二牌二

斜紋

河

奈字保甲長二牌二

乾栗坪

菜字保甲長二牌二

下店

又菜字保甲長

一牌五戶六十三

右西南鄉計四千五百七十三戶共設保正十八名甲

長五十三名

陶營

重字保甲長二牌二十五戶二百六十一

西北西

芥字保甲長三牌三十七戶三百八十

南北

西

薑字保甲長一牌十四戶一百五十六

鐵鑪

海字保甲長二牌二十四戶百五十

范灘

鹹字保甲

長四牌二十六

東金庄

河字保甲長四牌三十七戶三百六十九

西金庄

淡字保甲

長三牌十九戶

辛店

鱗字保甲長二牌三十七戶三百八十一

南崗底

潛字保甲長三

牌十六戶

北崗底

羽字保甲長五牌三十四戶三百十

內埠

翔字保甲長六牌五十戶五百

十

大安

龍字保甲長三牌二十二戶百二十八

茹店

師字保甲長一牌十三戶百二十五

馬營

火字保甲長一

牌九戶八十三

右東北鄉計三千四百六十八戶共設保正十四名甲

長四十名

柴柿

帝字保甲長三
牌十九戶二百

右西北鄉計二百戶保正一名甲長三名

現在合縣烟戶冊共一萬八千七百四十八戶保正共七十

九名甲長共二百二十三名

邑人以大風山之北為山北
其南為山南故在城亦稱山

南至南鄉西南鄉多重山複嶺向鮮民居邇來山陝河北
之民乘便開墾結茅山窩零星散處雖附在牌甲之末而
實則旁無聯絡難於稽察知縣李章堉遵奉定例凡佃戶
租戶責成地主房主如無地主房主責成該地鄉保務令
時加究詰互相覺察庶宵匪
無地可容不敢奉行故事也

集市

在城

小店

車坊

三屯

玉馬

土店

劉店

二郎廟

石臺

陶營

內埠

大安

上蔡

白元

沽泊

柿園村

夾馬

富流店

楊家嶺

在城集塲歷來四門按日輪流四日一週民未稱便乾隆十五年知縣王士傑許令十日輪集四十日一週後又改爲按月輪流凡四月一週至今仍之

按孫志稱前令張公文德招遺黎而闢荆榛編集甫二百戶孫蒞任時官舍僦民居市肆皆茂草無所謂街道也謝志又云伊在有明時頗稱殷庶習尚奢靡室宇華麗明末遭寇

國朝定鼎而後加意招徠半非土著諸鎮略似村落懋遷寥寥
難語集市云茲者百有餘年以來休養生息戶口繁衍闔
闐興於街巷車牛盈於阡陌山陝以及河北之民擇便利
而居之雖僅存五里之名而原設之三十一里大半可指
而數也舊嵩志山川道路險夷云考前代東發伊陽則汝
豐襄邾之途通焉棗坪扼上店之吭蔡店拊內埠
之背疾馳之騎一日可至而今不然也棗坪蔡店等村廬
舍圯墟人跡罕至如伊汝者則須遶鳴皋歷興福矣按此
志修於康熙間楊令而所云若是可以考伊嵩今
昔形勢之殊與夫分合衰盛之大槩故附錄之

風俗

農務稼穡士風淡泊伊洛遺風尙有存焉

通志

士庶耻欠賦稅從無逋糧忘私急公伊民有焉

伊處山陬故生人多樸士氓言語行事率慤直無矯飾雖雀
角訟牒亦鮮無情之辭又云邇來亦有教唆刁訟者按
教唆刁訟何時蔑有要亦什一之於千百是在臨民者識
其隱微折其險健生其媿耻俾免終凶之筮同歸无眚之
占未可以風氣升降言也

縣城之內牛驢夜逸鮮有失者卽鄉村之間繩樞籬牆不戒

不虞風殊近古

以上俱見州志及舊志

伊僻處山谷懋遷難通士民俱資耕稼餬口每至農時咸趨

南畝黨塾一空

謝志

汝州四屬惟伊陽接壤洛陽節俗有同洛陽者

見寶豐志

近代婚禮納采問名紳士之家延族戚中望重者爲賓持束

登拜卽致釵銀或代以金俗名定禮有致啓報啓納幣

請期如前禮將娶前數月卽日以幣帛牲醴致女家女家

復束附以幣帛冠履雜佩果餌等物俗曰報允亦有前數

日行禮者親迎久廢紳士秉禮者間行之餘惟具鼓樂

乘轎延族戚婦往迎名爲娶女客女家亦延戚婦送之名

爲送女客至婿家拜堂畢娶送者爲新婦束髻冠笄而出

曰上頭是夕親族戚友俱送花紅酒脯夜飲俗名鬧喜合
卺後三日新婦具鞋襪雜珮釵見舅姑以及同室長幼皆
有餽送是日女家黨族各具酒脯詣婿家曰餽飯新婦合
卺後九日具酒脯詣女家曰回門

近代喪禮學士習禮家恪奉古訓不用鼓樂不修佛事終喪
不御葷酒自殮迄葬克遵朱子家禮其他則皆從俗然經
營喪葬勉力者多至有不分親疏俱送帛名曰散孝者非
禮宜禁 按喪禮稱家有無故曰與易寧戚乃有弔者曰
數十起起各十餘人或數十人恣意飲啖喪家所費不貲

或至棄產以應家以是落尤爲惡習允宜禁止
近代祭禮士族一遵文公家禮俗例春月清明前數日具祭
物邀族戚至塋添土掛紙錢致祭曰拜掃先塋亦曰上墳
有新葬者拜掃俱在天社前數日三年後仍從舊禮十月
朔日供油果剪紙衣焚於門外曰送寒衣大族焚香家廟
中歲時伏臘各祭祖考

俗尙酹神演戲二月二日四月八日爲大會貨物輳集村鎮
之人畢至城市此無益靡費宜從儉約

節日爲元旦先是除夕預備飲食五更門外各插神燈祀神

祭祖畢出門放爆竹拜年親友相留款待 立春雜切生
菜曰春盤裹以薄餅食之曰咬春前一日迎春東郊邑人
傾城俱往曰看春 元宵掛過街燈演神戲爲賽社十六
夜老幼俱出過橋名走百病 清明前數日拜掃先塋是
日門插柳枝 四月八日俗以皂角葉插鬢去目疾 端
陽饋角黍并扇插帶艾葉泛菖蒲雄黃酒驅毒蟲瘟疫門
插艾旗婦人戴繭虎小兒繫五色絲佩五毒符是日多合
藥者 六月六日曝衣物免蛙持乾餅詣先塋供拜爲獻
時食 七夕陳瓜果祭牛女乞巧 七月十五日門前畫

灰圈焚紙錢祀先農人各具脯食供於野插紙旗於田俗
名標田亦秋報遺意 中秋陳設瓜果餅物於月下畢聚
老幼夜享爲祥月 重陽以糕菊相饋贈間亦呼友登高
十月初一日於墓頭焚紙錢冥衣或畫圈祀於家 臘
月八日飯雜黍稻果蔬爲臘粥 臘月二十四日各祀竈
神用錫糖甜餅送竈或二十三日 除夕貼門神春聯迎
祖先祀於訪家人聚飲守歲散銀錢佩之爲添歲
舊志刈麥畢婦女成羣往來田塍拾取遺麥猶見古昔秉穗
之風竟有捆載而歸者至秋末拾綿花甚至攘摘一空名

曰轟花大安茹店諸鎮屢受其害今則攜男襁女環坐田
畔或針黹或乳哺俟地主工畢方群至地中撿拾綿花則
以丟花之日爲準然風氣雖改而條禁尙不可廢

舊志載賣妻鬻女之事所在多有非女家嫌貧而另圖卽男
子貪利而轉售不思夫婦幫活成家便是無窮之利若使
貪得些微羣衆分肥本人所得無幾轉眼卽空况重則上
干法紀輕亦惹人耻笑今此風尙未盡革皆由賭博游惰
所致惟有痛加懲創以一警百非可以口舌喻也

舊志載賭博最爲人害一入賭場便已不可救藥不特廢時

書失業立見蕩產傾家衣可罄捐食不暇飽甚至流爲竊匪
釀成命案種種罪孽皆由此生 按伊邑士庶衣食儉樸

不事奢華余蒞茲土十餘年見有家本素封飢寒漸迫莫
非傾家盧雉者父兄或經營畢生子弟則輕心一擲卒之
湛溺愈深至死不悔保家令子可不重自戒哉

舊志載人或因小忿輕生或因圖賴自盡如此白死豈不可

惜 按此事半出愚氓半由刁狡近來獄訟衰息亦漸知

自惜軀命

舊志載喪葬之家親友弔唁居然召優伶演劇名曰鬧喪大

乖名教殊堪痛恨 按此風近年已革尙期久遠遵循

士民多好讀書城鄉村鎮大小祠廟莫不有學卽三家村亦

有咿唔咕嚕之聲

紳士咸知自愛有非公不至之風旅進旅退而無私謁

有僧道無尼姑此風較勝他處

周禮嫁殤有禁伊邑間有憐幼殤而行之者亦弊俗之一端

也宜嚴禁以正其惑

凡子女始生至六七歲殤者俗謂之偷生鬼懼其去而復來
也則裹以葦席舉而委之於壑任烏鳶豺犬殘食終已不

顧此豈復有人理尤當嚴行禁止

素衣冠而與晏會已非乃斬焉在衰絰中白衣白冠延頸戲

場尤爲可怪是在詩書仕宦之家閉門讀禮爲之表率此

風庶可衰息

物產

秬稻

白稻

糯稻

白黍

黃黍

黑黍

稷

大麥

小麥

玉麥

蕎麥

米大麥

梁

黃豆

黑豆

菜豆

小豆

赤白二種

豌豆

豇豆

扁豆

蔓豆

胡麻

即巨勝俗名黑芝蔴

芝蔴

以上穀之屬

菰

俗名曰菜

芥

菠菜

薤

小者為韭

葱

蒜

芹蔴

茄

萊菔

俗名蘿蔔紅白二種

芫荽

莧

蒿苳

茼蒿

茗蓬

蔓菁

薯蕷

俗名山藥

拳菜

黃花

木耳

猴頭

形似猴故名

刀豆莢

又有眉二莢線豆莢二種

以上蔬之屬

王瓜

西瓜

南瓜

一名倭瓜

北瓜

冬瓜

甜瓜

有五種色

絲瓜

攪瓜

箸攪成絲如切故名

壺

俗名葫蘆

瓠子

小豆

豌豆

以上蔬之屬

棉花 大風山北種者尤多

棠 俗名好麻

紅藍 俗名紅花

藍 大者名松小者名蓼

蔴 三種

以上棠之屬

桐

椿 香臭二種香者頭可食

榆

松

柏

槐

檜

桑

柘

楊 有大葉小葉

柳 分杞蒲柳各種

楸

檀

棟

漆

檟

構

棠棣

女貞

一名冬青

椒

以上木之屬

石竹

斑竹

紫竹

簕竹

大葉俗名東坡竹

鳳尾竹

細竹

以上竹之屬

桃

其種不一又有壽星桃

杏

李

柿

其種不一雁過紅最佳

櫛

柿之未接枝而實小者

棗

大小各種小名酸棗

梨

核桃

栗

榛

石榴

紅白各種

蓮子

其根即藕土人作菜

葡萄

櫻桃

文官果

橘

柚

柑

飛穰

俗名佛手

枳

俗名鐵羅寨

以上果之屬

牡丹

紅黃白紫各種

芍藥

有三種

芙蓉

一名拒霜

荷

即蓮花

蘭

葵

菊

二十餘種又有甘菊

美人蕉

千葉榴

夾竹桃

單葉干葉二種

木槿

紫薇

紫荊

桂

有黃丹二種

紅梅

白梅

蠟梅

瑞香

木香

黃白二種

丁香

紫白二種

月季

海棠

春秋二種

刺梅

棣棠

映山紅

雁來紅

雞冠

五色者最佳

鳳仙

玉簪

即白萼

金簪

金盞

薔薇

紅蓼

錦帶

迎春

迎夏

剪春羅

剪秋紗

玉瓏璁

滴滴金

合歡

即萱花

剪子股

一名射干

眞珠連土產御馬鞭

凌霄

以上花之屬

葦

一名蘆 又名葭

荻

即荻狄 或名荻

蒲

茅

即黃菩草 用以結廬

蓬

蒿

藜

艾

苔

即垣衣

瓦松

一名屋遊

虎鬚

燕麥

以上草之屬

雞

鴨

鵝

鳧

鶩

雉

俗名野雞

鶯

燕

雁

鴉

有二白
頸紅喙

烏

鵲

鳩

雀

鸛

鷹

鷗

隼

鷺鷥

鴛鴦

鸚鵡

畫眉

鶉

紅鶴

黃鸝

布穀

鴟

即伯勞俗
名夏雞

鷓鴣

一名鷓鴣

訓狐

俗名
杏虎

桃蟲

俗名
槐虫

以上羽之屬

馬

驢

驢

牛

羊

犬

豕

猫

鹿

野猪

麋

狼

狐

貉

狸

獾

兔

虎

豹

豺

猴

獺

水三
二種

以上毛之屬

鯉

以上手之屬 鯽

鮎

魴

出伊水韻會云洛
鯉伊魴貴於牛羊

鯪

鰾

鰾

鮓

魷

鱮

鱖

鱖

赤眼

鰕

孩兒魚

類鮎有四足
其聲呱呱

以上鱗之屬

龜

鼈

石蟹

蛙

蝸

以上介之屬

蠶

蛇 俗名長蟲

蠍

蟬

蜂

蠅

蚊

蟋蟀

蝴蝶

蜻蜓

蚱蜢

螳螂

螻蛄

蜘蛛

蠨蛸 俗名
蟢子

蛾

蟻

蚬蛾 一名
鼠婦

以上蟲之屬

天花粉

天門冬

天南星

地骨皮

地丁冬

地膚子

地榆

黃耆

白薇

黃精

蒼朮

白蒺藜

丹參

黃芩

茜草

白芨

蒼耳子

白薇

紫草

紫蘇

紫荊皮

青箱子

烏藥

紅花

黃蘗

皂刺

青蒿

白頭翁

何首烏

透骨草

益母草

五加皮

劉寄奴

勒馬回

王不留行

金銀花

水澤瀉

菟絲子

葳靈仙

龍膽草

牛蒡子

牽牛子

穀精草

桑白皮

款冬花

自然銅

禹餘糧

蒲公英

望月沙

淫羊藿

馬兜鈴

大小薊

旋覆花

遠志

苦參

桔萸

桔梗

杜仲

柴胡

澤蘭

升麻

山豆根

荆芥

射干

百部

石韋

防風

瞿麥

扁蓄

連翹

苦薏

芫花

茴香

葛根

藿香

澤漆

地黃

馬勃

茵陳

車前子

細辛

楮實

半夏

前胡

馬齒莧

漏蘆

薄荷

以上藥之屬

古蹟

太和城

方輿紀要伊陽縣太和山在縣西南汝水逕其下山有太谷北魏置太和城是也宋之間歇馬嶺詩太和

亦崔

魏

紫邏城在城東十五里相傳昔有邏兵駐於山半石牆延袤

數里其蹟尙存

明祝富有何年邏卒屯此間之句

高都城

河南新城縣有高都城又高都故城在洛川伊闕縣北

古城

在今縣治南其東有村曰城東村可據

地理

新城

張儀傳曰新城在伊闕左右郡國志河南伊闕縣古戎蠻子國漢為新城縣

麻解城

水經汝水東歷麻解城北注云故鄆鄉城也按城東漫城嶺上有古城遺址漫應作鄆

鄆鄉城

見上

周平城

水經汝水又逕周平城南注云京相璠曰霍陽山在周平城東南者是也

古城寨在城南三里瑞雲山腰宋翟興與弟進據此恢復伊

大陽廢址尚存

寨上今建泰山廟一間時有神燈出沒

黃金寨在城北五十里大安鎮

聖王臺寨在城東南三十里石臺街西南

華寶寨在城東北六十里連珠山第五峰上

石城巋然內多疊石為小屋益

明季土人
避兵處

黃龍寨在峴山西南十餘里三峰之間

頂皆平坦
未詳所始

土門寨明庠生李攀桂避賊於下保鎮創築嘉慶三年川楚
教匪滋事其元孫監生上元修補又以人稠地狹於其東
復築一砦鎮民賴以無恐

普救關在城南百三十里米坪東南南接魯山界

久廢其陽
卽魯之普

救關

上店鎮關

見通志
久廢

鬼谷洞在城南五里雲夢山懸崖間門濶數武相傳鬼谷子

修真處

詳見山水志

白熊洞在城西南六十五里洞外海棠爛熳如錦

莊子洞在城北白元鎮又有夢蝶園不老泉諸勝

第三鴉路在汝州界入伊境者爲內埠白元等鎮

鳳凰臺在大安鎮五龍廟

白元鎮相傳白起伐魏駐兵處

鵝鵝灘在白元鎮唐牛僧孺爲尉時灘忽開

官地溝在城西南十八里

溝口古木交加翠竹掩映兩山相對有泉水經流其間極幽勝之致

吳起嶺在城北五十里戰國時吳起屯兵於此

見通志

長蛇嶺在城北四十七里

嶺上有文峯塔下有杏林竹溪左鳳井右龍泉泉大畝許冬溫夏涼

味甘可飲其聲

泠泠禱雨輒應

廣成聚在新城

見後漢書

杜康砭在城北五十里俗傳杜康造酒處弟茅柴傳其釀法

有杜水

杜水水經注名康水

旗杆山在城北三十里大北西村漢高祖廟前一里許突起

一峯

相傳漢高祖起兵樹旗處

光武井在城北二十六里樓子庄西

相傳光武夜宿飲水處至今地無蚊蟻故一名

宿王

庄

嚴庄

在城東七里俗傳嚴子陵嘗居此

余少保庄在大安方娘娘橋北余坡

李志云少保未詳

呂后故里在城北四十里南坡村

舊名呂家庄見村中菩薩堂碑相傳漢高祖呂后生

此不知何據道光元年村人掘地得斷碑上有呂太后三字惜未得全碑其詳莫考

角里先生故里

見唐李德裕詩今商山廟前街猶名故鄉街可據詳見藝文

漢丞相申屠嘉故里在城北卧雲山北麓杓子楊

本汝州梁縣地今在

伊界有斷

碣可考

梁國公姚崇宅在石家嶺村東北摩天嶺迤西百許步

相傳為古

梁公庄有遺井今廢按本傳公嘗語帝曰臣年二十居廣成澤以呼鷹逐獸為樂張璪藏謂臣位當王佐無自棄故

折節讀書遂待罪將相云云考本傳公
陝州硤石人或流寓於此未可知也

前亭

見水經注即泉亭也
服虔曰在伊闕南

垂亭甘歎敗戎處

杜預左傳注河南
新城縣有垂亭

伊川亭在城北六十里伊水上

金郡守爲
許古建

祝德亭在白元伊川書院

爲明邑令
文翔鳳立

水心亭在辛渠南

唐祖詠
有詩

樂遊亭在象山下

程伊川有詩
渾樂遊詩

涼泉亭在城南二十里南保

綠雲亭在練溪寺泉水繞其右亭畔修竹千竿蒼翠無際榜

曰綠雲

康熙二十八年
邑令魏之京建

石柱廟在城西南七十里

小山突起高四五丈四壁如削上有真武廟架木倚岩石爲之絕無

塼

青華觀宋乾德年建

面對伊水背坐虎山翠柏千章其山頂一株拳曲擁腫周數十圍形如張蓋遠

望百餘里寺在崖下有明心泉涓涓細流植竹於旁名曰竹溪又鑿方池二以納之圍繞山門下達伊水最爲幽勝

崇天宮在峴山上

旁有摩訶井下有育仙室抱仙洞講書堂梳妝天橋四諸勝山麓有泉一泓

聖水寺宋開禧年建

前有聖水泉清流迴繞綠竹掩映數武入當陽橋

金山寺周天復十年建

半嶺松篁蒼翠欲滴山半清泉流繞殿之東隅涼夜清風有塵外之想

古槐在城北六十里曹家凹

度其本圍四十四尺下有香泉一泓村人藉以養生

文明燈

城北六十里爲長嶺山迤西至土門輒有神燈白連珠山依嶺而下光燄異常其大約可合抱所至之處

瑞應奎光土人謂之紅燈籠

文峰塔在雲夢山頂高十餘丈不知建自何時

青羊鐵鍋在青羊山頂

大幾方丈深可一仞重約千斤未知何代所造

蟒庄井在城北三十八里石嶺

井中嘗出蟒故名深凡三十餘仞

石柱廟在城西南七十

青華觀宋乾德年

樵王共山縣北三十里

青羊觀在青羊山前

文林觀在雲臺山前高十餘丈不映景自何

金剛寺在城內

文開堂

在山前常有大林何合所開至之

